

## Turu - Maandëko - Good-Bad Mind Scriptures

### Maandëko - Good Mind Scriptures

Mariko 5:15 Vëgamwenda Yesu, vëgamwona nanë muntu uyuyouyuuyo nënnaa uhukiwe na ijesi ra vinyonyinyonyi wékhee fang'i, urie masaa na wina ihaa rakwe rëghookie, vëgaoghofa.

Luka 8:35 Antu vëgaenda unji veende uona ntuni nëadwëëra, na vëgafika kunë Yesu, na vëgamuhanga muntu wasuu nëwafumiwe na inyonyinyonyi, wikhee umëghuu amwa Yesu, uyaëte masaa, na ukweti ihaa rakwe ija, na vëgaoghofa.

Ntendo 17:11 Na Ayahudi avai arë vëmwighuyo ukëa avoo va uTesalonika, gusoko vëgaughenyifa ukhani gwa nkho a winyumpii. Veeso mwitiku vëgayafeenkeya Maandëko në Maeru vëufenja vaone mpa mantu ayai arë ëuyi.

Ntendo 20:19 Nene ngamutumëkëa Müküü gwa winyumpii woong'e na gwa mihari na malwe nëangwëre nene ukëërëa lakuno a Ayahudi.

ARumi 7:25 Ngumurumba Muungu, gwa njëa amwa Yesu Kiristo Müküü witu. Uvii, nësa unë uvii, nene mughonjo gwa ihaa ranë ngumëtumamëaa Seria amwa Muungu ëgweeso gwa mwëérë wanë seria a ihutye.

ARumi 8:6 Gusoko mafenji a mwëérë unë ukuya, ëgweeso mafenji a nkho unë ufanga nanë majëghana.

ARumi 8:27 Na mweeso nëugoona faka mukhatë a nkho ya antu umanyie isëgho ra Mwahu mwino rërë, gusoko uguvarombeaa antu va Muungu gwa uhonga mafenji a Muungu.

ARumi 11:34 Gusoko uu anyu nëumanyie isëgho ra Mukuu? Mba uu anyu nëagatenda musëyi wakwe?

ARumi 12:2 Mutakhuvëywe na urëmi uruu ëgweeso mufëntuwe gwa ufyaw ihaa ranyu. Uvii nyenye mudahe uraghëëra tutë ntuni në mafenji a Muungu, ntuni në njija nanë auyanjisya nanë ëkhondekekie.

ARumi 12:16 Mwiyanjëëye masëgho anyu nyenye gwa nyenye. Mutasëghee në makuu nanguu, ëgweeso muyanje uhweetiwa na mantu në malegheku. Mutatendee antu va gëdida gusoko a mahaa anyu.

ARumi 14:5 Muntu umwe ugutendaa hiya mukhatë a itiku na itiku, ungëja uguonaa matiku oong'e mwino ikhwete. Mu muntu na imanye vija mu mahaa akwe mughonjo.

ARumi 15:6 gusoko gwa nkho ëmwedu na gwa moomo rumwedu mudahe umukurya Muungu, Tata wamwa Müküü witu Yesu Kiristo.

1 AKorinto 1:10 Nene ngumunena nyenye, mukhate a rina ra Müküü witu Yesu Kiristo mutayanje mutemanuko mukhatë anyu. Ëgweeso nyenye mudahe

ukhuvëa mung'ë a ihaa rëmwedu na uramwui rumwedu.

- 1 AKorinto 2:16 Mwino sese gusomaa mu Maandëko në Meru, "Anyu nëumanyie ihaa ra Müküü uvii adahe umusëya? Ëgweeso sese gughemaa mwino Kiristo ugughemaa."
- 2 AKorinto 7:7 Na ti gutufu gwa uja kunë mweeso ëgweeso gwa ufefeheyi në mweeso wendie uhanga ufuma kunë nyenye. Mweeso agagukhanëa mwino nyenye arë mufenja unyona nene, mwino nyenye arë mwina uvavi gusoko a asaa nëadahie udwëëra, arë mwino nyenye arë mwina nkumbu a unjarëëya nene. Gusoko ésëe nene négayanja nanguu.
- 2 AKorinto 8:12 Gusoko nësa ifenji rërëfo, rëuyanjiwa gwa uhonga na rasëë në muntu ukweti, tiëse gwa uhonga na rasëë nëati kweti. (1 Kronika 28:9)
- 2 AKorinto 9:2 gusoko nene nëmanyie utayari wanyu. Na nene ngitenda kunë nyenye gwa Akiristo va uMakedonia mwino nyenye Akiristo va Akaya mwadahie gëghondanëya gwa mwakha woong'ë. Itungwee nkumbu anyu a ufunya avatëndie veeso vëfenje ufunya.
- 2 AKorinto 13:11 Mpeo, aruna ane, va gëghosya na vagëkhema, yanjëchi. Tendi uduvi wanyu ujëfe na tegheeyi asaa në nene nadahie umwëëraa. Duvi gwa ukhuvëi itambëëmwe mu muntu na muyakwe. Duvi gwa majëghana itambëëmwe nyenye gwa nyenye. Na Muungu unë ugufunyaa uyanjo nanë majëghana atënde witambëëmwe na nyee.

VaEfeso 4:23 na mutendwe mwë vafya mu nkhoon na masëgho anyu.

AFilifi 2:2-5 Ijurëëyi uyanjo wane gwa utendeka mwina ihaa rëmwedu, mwina uyanjo rumwedu mwina nkhoon ëmwedu na nkümbü ëmwedu. 3 Mutatende gëntu mpa gëmwedu gwa gikërya mba gwa gëdida, ëgweeso gwa winyumpii ésëe muvaghema antu vangëja vaja nanguu ukëra nyenye aghonjo. 4 Mu muntu mukhatë anyu ataraave gutufu mantu akwe mughonjo, ëgweesonoo mantu a vangëja. 5 Tendeki mwina ihaa èrëëro èrëëro mukhatë anyu unë naa rë mung'ë amwa Kiristo Yesu.

AFilifi 4:2 Ngumuomba, Euodia na ngumuomba Sintike, èse vina isëgho rëmwedu kunë Müküü.

AFilifi 4:7 Na majëghana a Muungu, nëakëye umanyi woong'e, injë umughoja nkhoon yanyu na mahaa anyu kunë Kiristo Yesu. (Isaya 26:3)

AKolosai 3:12 Gusoko nyenye mwë antu va Muungu nëvëhwaniwe, veru nanë ayanjwi. Uvii inoneye nyenye oghonjo moyae nkhoon a gëonëa uvai, untu në uja, winyumpi, ufoo, nanë ughimëyi.

2 ATesalonike 2:2 mutahingihuke ruvë mu ihaa na mbesa umutenda mwoghofe, mbesa gwa nkhoon mba gwa ukhani, mba gwa keeti nëegughemwa ruvë ifumie kunë sese, na ughema mwino itiku ra Müküü raghea.

2 Timoteo 1:7 Gusoko Muungu inagufaa sese nkhoon a wova, ëgweeso wagufee sese nkhoon a udaho nanë uyanjo na nkhoon nëëmoomo.

Tito 2:6 Viuyi noo varaghëëye aghosya nëvëtifichiye meakha makumi mutandatu vëgibale aghonjo.

VaEburania 8:10 Na ërëë uno iraghano nëngurëtenda na antu va Israeli gwa matiku në ejie, uguhanya Müküü: Nguvëka seria yanë mumahaa awe, na uyiandëka munkhoo yawe, veesonoo vëutenda antu vanë.

1 Fetero 1:13 Gwa uvii ning'anëyi mahaa anyu, mugibale nyenye aghonjo. Vëki ighonje roong'e gunto a mboto nëejie Itiku në Yesu Kiristo ugudwëéra.

1 Fetero 5:2 Rëghoji iburi ra Muungu në wamufie nyenye mutende mwë aghoji. Tendi vii ti gwa guumëëya ëgweeso gwa uyanjo. Ti gwa ufenja gënyamwëmo ga mënyaa ëgweeso gwa uvaarëya veeso.

2 Fetero 3:1 Mwandyo wa oong'e nyenye inoneye mumanye ërëë, matiku a mpeo vëjie antu në anya chaka në gëvë, veeso vëjeutenda chaka gwa uhonga na nkumbu yawe ya mwëérë na uhanya,

Yakobo 1:17 Muu gëfewa në gëja na muu gëfëwa négékhondekie gëufumaa girunde, gëufumaa kunë Tata, mutundi wa vimwëë, mweeso nëatiukhaanëkëkaa mbesa atikweti gahada manduvë ga ufëëntukanga. (Yobu 23:13)

Ukunukuo 17:9 "Afaa ëgufenjiwa ihaa ra gëuntu na ihaa ra Muungu! Matwë ayoo në ëmufungatë në vitanto vimufungatë, nanë mukhema uyoo ne wikhee gunto ayo. Matwe asaa noo në atemi vëmufungatë.

### Maandëko - Bad Mind Scriptures

Mariko 7:21 Gusoko gwa umudua ufuma munkhoo a muntu, ëguduua masëgho némabë në ëgumutendaa muntu atendeke una ufumbu, wivi, wuрагhi, (Esekieli 38:10)

Luka 12:29 Na mutafënje mulëa ntuni na munywa ntuni na mutaje ëse mwina wisaghasaghëi.

Ntendo 12:20 Na Herode arë agavahura antu va uTiro na uSidoni. Uvii veeso vëgaenda viiburi umwona Herode. Tanju veeso vëgamufefeheya Bulasto atendeke u guuvaru wao. Mweeso arë mughondanëyi wa nyumba a mutemi. Veeso vëgamuromba majëghana, gusoko ng'ë ao arë éuhangëa malëwa ufuma u ng'ë a mutemi.

Ntendo 14:2 Ëgweeso Ayahudi nëti ahuvëi vëgavasoseya antu nëti Ayahudi na vëgafëntua mahaa awe vavahitë ahuvëi.

ARumi 1:28

ARumi 8:6,7 Gusoko mafenji a mwëérë unë ukuya, ëgweeso mafenji a nkhou unë ufanga nanë majëghana. 7 Gusoko mafenji asaa a mwëérë unë urughu kunë Muungu, gusoko étiumëhongaa seria a Muungu, kangë étihadha umëhonga.

ARumi 11:20 Vija: Atemiwe gusoko inahuvëaa, na veve wimëkie gwa uhuvëi wako. Utagitendee, ëgweeso wooghofe.

- 2 AKorinto 10:5 Sese guruvanga mahaa nanë gedida goong'ë négüfenga umanyi wa Muungu, na guhora mu isëgho rende umukurya Kiristo
- 2 AKorinto 11:3 Ëgweeso nene nina choghofi mwino, njokha ëgamukhonga Eva gwa wegheeghe wakwe, uvii muntu umwedu winjë umukhonga nyenye mureke uyanjo wa tutë nanë ukhomie gusoko amwa Kiristo.
- VaEfeso 2:3 Nanë sese soong'e na gwëë mwino vasaa, gugaduva gwa uhonga nkumbu yitu, négugayatenda mafenji a mëérë, gugatendeka gwa ntendo yitu vana va ikuwo mwino avoo vangëja.
- VaEfeso 4:17 Uvii, ngurëghëtya ukhani uruu, kangë ngusudangëa fana Müküü, udua itungwee mutaduvee mwino antu nëti Ayahudi mwino vëuduva, vasaa në masëgho awe aye ti intu mbanduvë, na mahaa awe ëëmukiti.
- AKolosai 1:21 Na hafo khae nyenye arë mwékue na Muungu na arë mwëarughu mung'e a masëgho, na utenda ntendo nëmbë. (Itungwee 21:27; Esekieli 23:17)
- AKolosai 2:18 Mutayanje muntu mpa umwe amuheeye nyenye asi yanyu, gwa ususutëya winyumpi wakwe mughonjo, na ukurya va malaëka, ukwatëre na uëmékëa ndoti, yakwe mughonjo na ugikumajua ndende gwa mahaa akwe a gëémuntu,
- 1 ATesalonike 5:14 Vaunaanë, gumunena ino muvakenee antu në atoto, vakhomyë nkhoi antu nëalegheeku, vaarëëyi antu nëvëtina nguu, mutendeke mwina ughimëëyi gwa antu voong'e.
- 2 ATesalonike 2:2 mutahingihu ke ruvë mu ihaa na mbesa umutenda mwoghofe, mbesa gwa nkhoi mba gwa ukhani, mba gwa keeti nëëgughemwa ruvë ifumie kunë sese, na ughema mwino itiku ra Müküü raghea.
- 1 Timoteo 6:5 na wikungumi nëutina mpeo mukhatë a antu angëja. Antu mwino avaa mahaa awe éruvëkie na vëumëfentua tutë, vëughema mwino utendeka Mukiristo në njëa a utendeka u mughwarë.
- 2 Timoteo 3:8 Mwino Janesi nanë Jamburisi nëëgamufenga Musa, uvii antu avaa noo vëumëfengaa tutë, antu në ihaa rëruvekie na veeso tutë vague mu uhuvëi.
- Tito 1:15 Gusoko gwa antu vasaa në aja mantu oong'e maj. Ëgweeso gwa antu avoo në nëvëkhwalë nanë vëtihevëe gutie intu në rija. Mahaa awe nanë dhamiri yawe ikhombekie.
- VaEburania 12:3 Séghanëëyi mantu nëëgamuhanga Yesu, mwino naa agaghämëëya hiya gëkhuu ga antu nëvëna mahutye. Uvii, mutaitofie nkhoi, mbesa mutahiriee nkumbu.
- Yakobo 1:8 Muntu në wina masëgho igavëë wina wësaghesangëe mu njëa yakwe yong'e.